



Miguel Indurainek sekulako lana egin zuen atzo, Giroko laugarren etapan. Banesto taldeko gizonak, garaipena lortzeaz gain, Milanon sailkapen nagusiko lehen postua eskuratzeko faborito nagusia dela erakutsi zuen.

Atarrabiako mutilak 1,09ko denbora atera zion Chiappucciri, Giovannettiri 1,46 eta 2,16 Franco Chioccioli, iazko irabazleari. Gauzak horrela, alde nabarmena lortu du Indurainek sailkapen nagusian eta lasai ekin

diezaioke bihar bertan korrituko den lehen etapa menditsuari. Laurent Fignon, Massimiliano Lelli eta Andrew Hampstenek kale egin zuten atzoko lasterketan, eta indarrean ez daudela erakutsi.

Indurain, inoiz baino arrosagoa

Minututik gorako alde atera zien, Chiappucci, Giovannetti eta Chioccioliri

R.B. / BILBO

Miguel Indurainek kritika ugari jaso zituen, Vuelta alde batera utzi eta Italiako Giroa korritzea erabaki zuenean. Banesto taldeko gizonak ondo baino hobeto dakite zer egin behar duten eta Italiako Giroko laugarren etaparako, argi eta garbi dago Miguel Indurain 'maglia rosa' eskuratzera etorri dela. Frantziako Tourra da zalantzarik gabe Atarrabiako mutilaren helburu nagusia —edo hori da berak dioena behintzat—. Hala ere, Jose Miguel Etxabarrik badaki, berak zuzentzen duen mutilak Giroa irabazteko aukera ezin hobe duela aurtengo eta ez du, ez, aukera pasatzen utziko.

Indurain indarrean dagoela, Genoan hasi zen etapatik dakigu. Hala ere, Giro honetako lehen azterketa serioa atzokoa zen eta ikusmin handia sortu zuen bai, atzo jokatu zen erlojupeko lasterketak. 38 kilometro bete behar zituzten txirrindulariek Arezzon hasi eta Sansepolcra amaitzen zen etapan. Hogeigarren kilometroan zegoen Valico di Scheggia mendatea zen atzoko erlojupeko lasterketaren zatirik gogorrena.

Zenon Jaskula, GB-MG Boys taldeko poloniarra izan zen denborarik onena faboritoak helmugaratu ziren arte. Minutu batzuk beranduago oster, Ryalcao Postobon taldeko Julio Cesar Ortegon colombiarra ondu zuen Jaskularen marka. Faboritoak lasterketan zeuden eta kilometroak aurrera joan ahala heltzen zen bakoitza betetzen ari zenaren berri.

BIKAIN, HASIERA HASIERATIK Miguel Indurainek inork baino hobeto daki, erlojupeko lasterketek izan behar dutela bere garaipenaren oinarri nagusia. Italiarrak etapa menditsuen zain daude eta Banesto taldeko gizonak alde apur bat lortu behar du, etapa hauei lasaitasunez ekiteko —bera ere aldapak hasten direnean ondo moldatzen bada ere—.

Esan bezala, Indurainek badu horren berri eta eginahalean aritu zen atzoko probako lehenengo kilometrotik. Gauzak horrela, Atarrabiako mutilak 33 segundu aldea ateratzen zion Chiappucciri Valico di Scheggia mendate gainan. Hori gutxi balitz, ia minutu bateko alde ateratzen zion, Franco Chioccioliri. Miguel Indurain marka guztiak hausten ari zen eta lasterketa amaitzeko hamabi kilometro geratzen zirela jarrita zegoen intergiroan, 50. segunduko zen Claudio Chiappucci Carrera taldeko gizonarekiko zuen alde.



Indurainek lidergoan darrai atzoko erlojupeko handiaren ondotik.

✓ **Miguel Indurain** oso indartsu atera zen aurreneko kilometrotik, eta alde nabarmena atera zien gailentzeko faboritoei.

Atzoko lasterketako azken kilometroak aproposak ziren Induraintzat eta ez zuen huts egin Banestoko mutilak, bera helmugan sartu arte, taldekidea duen Armand de Las Cuevas frantziarrak zuen denborarik onena txi-

kituz. Claudio Chiappucci izan zen denbora gutxien galdu zuena, minututik gora izan zen arren. Giovannettik ere 1:46 galdu zuen eta 2:16 Franco Chioccioli, iazko irabazlea. Hori gutxi balitz, Italiako Giroa hasi orduko faboritotzat agertzen ziren Massimiliano Lelli Arioste taldeko liderak, Laurent Fignon Gatorade taldekoak eta Andrew Hampsten Motorola taldeko gizonak indarrean ez daudela erakutsi zuten. Espero baino denbora gehiago galdu zuten, eta jadanik aurtengo Giroan zerbait egiteko aukerak nahiko murrizak dira. Italiarrek eta Chiappuccik bereziki, erasora joko dute lehen mendatea agertzen denean. Orain arte desarrollo handiak erabili behar izan dituzte partehartzaileek, eta aurreneko mendi hori nabaritu dezakete. Hala ere eta orain artekoa ikusi eta gero, Indurainek eutsi egin diezaioke abantailari etapa menditsuetan, Milanoko azken erlojupeko lasterketan txikitzeko.



Chiappuccik ez zuen zereginik izan nafarraren aurrean.

VILLAGRAN

Indurain: «Abantaila polita lortu dut»

DONOSTIA

Miguel Indurain txirrindulari nafarrak izugarritzko erakustaldia eman zuen atzoko erlojupekoan. Banestokoa garaipena lortzeko faboritoen artean agertzen zen, eta ondo bete zituen pronostikoak. Indurainen ustez, etapa ona izan zen. «Bai, niretzako ona izan da. Bi mendate zeuden, bat oso gogorra, baina erritmoa ondo hartu dut eta ondo aritu naiz, azkenean pixka bat nekatuta nengoen arren. Lortu dudana abantaila ona da». Giroak hasi besterik ez du egin, baina dagoeneko gau-

zak argitzen hasi dira sailkapenari dagokionez. Atarrabiakoren esanetan, kontu handiz ibili beharra dago. «Giro asko gertatzen da. Azken astea oso gogorra da, eta etapa hauek ondorioak izan ditzakete. Aldeari eusten saiatuko gara».

Tourra da, dudarik gabe, Indurainen helburua, eta beharbada ez da sasoirik onenean heldu Girora. «Agian ez nago hain ondo prestatuta, baina hobetzen ari naiz eta eguraldiak ere laguntzen du. Ea zer gertatzen den. Taldea ere lan ona egiten ari da eta hori laguntza ona izango da niretzat».

Sailkapenak

Etapako sailkapena

1. M. Indurain (Banesto) . 49.32
2. De las Cuevas (Ban.) .. 32ra
3. Laurent Bezault (Z) 34ra
4. Chiappucci (Carrera) . 1.09ra
5. Ortegon (Ryalcao) .. 1.21era
6. Giovannetti (Gat.) 1.46ra
7. Stephens (ONCE) .. 1.55era
8. Z. Jaskula (GB) d.b.
9. D. Steiger (Jolly) 2.03ra
10. Della Santa (Amore) . 2.10era
11. Emonds (Mercatone) . 2.12ra
12. Chioccioli (GB) 2.16ra
13. L. Sierra (Mobili) 2.18ra
14. P. Tonkov (Lampre) . 2.19ra
15. Hampsten (Motorola) . 2.22ra
16. P. Ugrumov (Seur) ... 2.27ra
17. Fignon (Gatorade) d.b.
18. P. Botarelli (Jolly) .. 2.31era
19. Furlan (Arioste) 2.33ra
20. M. Lelli (Arioste) d.b.

Sailkapen orokorra

1. Indurain (Banesto) . 10.17.37
2. Laurent Bezault (Z) ... 44era
3. De las Cuevas (Ban.) .. 48ra
4. Chiappucci (Carrera) . 1.28ra
5. Giovannetti (Gat.) 2.07ra
6. Ortegon (Ryalcao) d.b.
7. D. Steiger (Jolly) 2.17ra
8. N. Stephens (ONCE) . 2.20ra
9. Chioccioli (GB) 2.28ra
10. Emonds (Mercatone) . 2.43ra
11. Z. Jaskula (GB) 2.45era
12. Ledanois (Castorama) .. d.b.
13. Hampsten (Motorola) . 2.46ra
14. M. Lelli (Arioste) ... 2.49ra
15. Botarelli (Jolly) 2.50era
16. L. Fignon (Gatorade) ... d.b.
17. L. Sierra (Mobili) 2.53ra
18. P. Ugrumov (Seur) . 2.55era
19. Furlan (Arioste) 2.59ra
20. H. Lodge (Tulip) 3.15era